

Jongwane La Moñ



"JONGWANE LA MON' di tilabe nde ka son'a kalati oñol'a nika, we na walane mo to weni nde, o bolane mo ponda o si ben no ebolo: ka dimene we te o jengele moto, to so o mala te o londo, we na o kumwa langa mo o mutoa to o machin. Ni ponda fiena o wusa no namse wa o ko iyo to senga nje yena e sangamen, wa tombwane mo oñola Mudi mongo. Nin kalati e titi bukate o langa, nde ne pe na e beneye oa museñ jita ke o monkwa ngus'a bepasi ba bwam ba eyal'a Loba.

Milopo ma jokwa mi posobe, bepasi be ma topeye mo be nongobe wan na wone o Bibel, oñola ná na dube ná teleye la betiledi ba bosangila bwam le nde Bibel momene. Na dube na ben bepasi bese bena be posobe owan be mende jongwane o sontane la kengenge mwendi mwa Loba a lomedino biso tongwea na eyal'ao ya bosangi.

Eyal'a Loba ya wa nde o mon', ye pe jongwane jita o mulema mwe njdi na ñongi oñol'a teme la sim. Ye te na moto atele, esele pe myobe mao mese, a dube pe Yango Yesu Kristo na mulema mwao mwese, Yango a ma po na mo, a bola mo muñenge mwao na musango mwao o mulema mwa mudubedi. Nen ni mbale o 1937; botea na ni ponda na titi pe ná na panda na Tete. Na ma bele midi mañu mese o pulise nin ndolo yetena lo si boli nika. —Watson Goodman (1920-2002)

NDOL'A LOBA

Roma 5:8

Nde Loba a leele biso ndol'ao ninka ná Kristo a wedi oñol'asu, niponda di tano di dia bato ba bobe.

Yohane 13:1

E ta nde oboso ba buña bondene ba Pasa; Yesu a ta a bia ná pond'ao e mápo, ná a masumwe o nin wase, a mala na Tete; kana a tano a tondo bona bao bena ba ta o wase, a ta a tondo babo natena o su.

Bebīsedi 1:5

Mu mawe pe na Yesu Kristo, mboñ a jemea, musele yabe ña bawedi na mwaned'a kiñ'a wase.

Yeremia 31:3

Nen Yehova etum wone, mo na: Na tondi wa ndol'a bwindea, oñola nika nde na madutano wa na muyao.

Yohane 3:16

Ebanja ninka nde Loba a tondino wase ná a boli mpom mao ma Muna, ná to nja nu dube mo a si mañama, nde a mabene longe la bwindea.

I Yohane 4:7, 8

A bandolo, esele biso di tondone mo na nune; ebanja ndolo e wu nde na Loba, to nja pe nu matonde a yabe nde na Loba, a bi pe Loba. Nu nu si matonde a si bi Loba; ebanja Loba e nde ndolo.

NGIŃ'A YESU KRISTO

I Timoteo 3:16

E bian ná esok'a dube la Loba ye bondene na: A bīsabe o eyobo, a tēsebe na sim na mudī, enen na angel, a langwabe oteten a basibi, a dubabe o mundi ma wase, asabe o bosangi.

Yohane 14:9, 10a

Na Yesu a timbisele mo na: A Filipo, na mája na biño nin ponda nese, nde o si bie mba e? Nu nen mba en nde Tete. Neni weno ná o kwala na: Leele biso Tete e? O si dube ná mba ne oteten a Tete, Tete pe e oteten am e?

Yohane 1:1 na 14

O bebotedi eyala e ta, nde eyala e ta na Loba, nde eyala e ta nde Loba... Eyala e ta e timba eyobo, e ja oteten asu, jen bosangi bao, bosangi ka ba mpom ma Muna nu wu na Tete, e londa na ndedi na mbale.

Yohane 10:30

Biso na Tete je nde mō.

Mateo 1:22, 23

Nde man mese ma bolan nde o londe nje Sango a kwalino tongwea na mutoped'a mudī na: Ombwa, ngonded'a muto po e mende nongo deme, e ya mun'a mome, nde ba mende bele dina lao ná Imanuel, nika ne nde na: Loba e na biso.

YESU MUN'A LOBA

I Yohane 4:15

Nu nu mapusele ná Yesu e nde Mun'a Loba, Loba a maja na mo, mo pe na Loba.

Kolose 2:9

Ebanja be la Loba di londi mbom lese di jai oteten ao o mbad'a nolo.

Yesaya 9:5

Ebanja muna a yabeye biso, mun'a mome a bolabe biso. Janea di mende be o makata mao, ba mende bele mo ná Mot'a myano ná mañaka, Loba la ngum, Tete ná bwindea, Mwaned'a mu-sango.

Mateo 17:5

Nde ke a dia a makwala, na diwindiwindi di mapañe di kudumane babo; nde ombwa, doi di ta di wa o diwindiwindi, di kwala na: Nun nde e Mun'am ná ndolo na dolisanno; biño sengane mo!

Lukas 1:35

Na angel nalabe, e kwalane mo na: Mudī-mu-sangi mu mende po omoñ ango, ngiñ'a Nasam e mende kudumane wa; oñola nika nu mun'a bosangi a mende belabe ná Mun'a Loba.

Mateo 8:29

Nde ombwa, ba ta ba te misea, ba na: A Mun'a Loba, njika lambo le oteten a biso na wa e? O poi nde takise biso obiana ponda e mapo e?

YESU A MALANGWEA BISO NJA ENO

Yohane 8:58

Na Yesu a kwalane babo na: Iwiye, iwiye, na malangwea biño ná obiana Abraham a mabe, ke mba ne.

Yohane 9:5

Kana nenō o wase, ne mwenen ma wase.

Yohane 10:7

Na Yesu a kwalane pete babo na: Iwiye, iwiye, na malangwea biño na: Mbande ne jombe la midongi.

Yohane 6:35

Na Yesu a kwalane babo na: Mbande ne ewol'a longē; nu nu mapo na mba a si mende pe bwa njai, nu nu madube mba a si mende pe bwa ñongi tom.

Yohane 11:25

Na Yesu a kwalane mo na: Mbande ne bepumbwedi na longē; nu nu dube mba a mende be longē, to a wo nde.

Yohane 13:13

Biño lo mabele mba ná mulēdi na sango; lo tengen, ebanja nika nde nenō.

Yohane 8:23

Na mo a timbisele babo na: Biño lo wu nde o wase, mba na wu nde o moñ; biño le nde ba nin wase, mba na titi ña nin wase.

NGUS'A BETANSEDI BA YESU

Mateo 14:19-21

Na mo a bola doi ná mamuti ma je wase o bewudu, a nongo be bewolo betanu na yi sue iba, ombwa o moñ, a namse, a bua mo, a bola bokwedi be bewolo, bokwedi pe mamuti. Nde bese ba ta ba da, bula; na babo ba kotele be pasi be dia dom la besanja na beba. Ba ba dedi ba ta to lokoli la bato lotanu, esibe songele bito na bana.

Lukas 5:4-6

Nde a boleno topo, na mo a kwalane Simon na: Busise bolo o njiba, pimba bepese bañu, lombe. Na Simon alabe, a kwala na: A Sango, di takatakan bulu bwese, di si bo to lambo; nde oñol'e-yal'ango na mapimba epese. Nde ba bolino nika, na babo bendele sue jita, kañena epes'abu e ta e ñawea.

Mateo 20:30 na 34

Nde ombwa, bato ba ndima baba, bena ba ta ba ja o ngea, ba sengino ná Yesu a matomba, na babo ba te misea, ba kwala na: A Sango, Mun'a David, bwea biso ndedi!... Na Yesu a bwea babo ndedi, a tapa miso mabu, na dibokimene miso mabu ma telame, na babo ba bupe mo.

Mateo 8:15

Na mo a tapa dia lao, na ngo nesele mo, na mo a teme, a kumwa bolea mo.

YESU-KRISTO MUWEKEDI NA SANGO

Bebolo 2:36

Ndabo a Israel ńese e bie so na mbale ná nu Yesu ńena lo bomeleno o mbasa Loba a timbise mo Sango na Kristo.

Kolose 1:16

Ebanja na mo nde mambo mese me o moń na me o wase ma wekabeno, ma ma menene na ma ma si menene, bejedi ba janea, basango bandene, manea to ngiña; mambo mese ma wekabe nde na mo, ma wekabe pe nde ońol'ao.

Bonaheber 1:2

A timbi kwalisane biso o min miña misukan tongwea na Muna ńena a teseno musangwed'a mambo mese, ńena tongwea na mo pe nde a wekingo wase.

Roma 14:9

Ebanja Kristo a wedi nde, a pumbwa pe, ná a be Sango omoń a bawedi na omoń a baweña.

Yohane 1:3

Mambo mese ma wekabe nde na mo, to lambo la ma ma wekabe di si ta di wekabe esibe mo.

I Korinto 1:9

Loba le mbale, ńena ońol'ao nde lo belabeno o jalatane la Mun'ao Yesu Kristo, Sango asu.

YESU KRISTO E MUKAISED'A MESE

Bebolo 10:42

Nde anedi biso o langwea bato bese na bola pe mbon ná mo nde a tесеbe na Loba ka mukaised'a baweña na bawedi.

Roma 2:16

O bo buña bwena kaponda myango mam ma bwam Loba a mende kaise mambo ma wutam ma bato tongwea na Yesu Kristo.

II Timoteo 4:1

Na makwalane wa na iwiye oboso ba Loba na oboso ba Kristo Yesu ñena nu mende kaise baweña na bawedi, na oñola bepoyedi bao na janea lao na.

Mateo 25:32

Matumba mese ma mende kotome oboso bao. Nde a mende jaba babo kana mutatedi a mabano midongi na tut'a mbodi.

Yohane 5:22

Ebanja Tete a si makaise to moto, nde a yokeye Muna muka mwese.

Roma 14:10

Nde wa, nje o makaiseno munasongo e? Wa pe, nje o mayanano munasongo e? Bisо bese di mende teme oboso ba kond'a bekaisedi ña Kristo.

JONGISE BUKATE NA YESU KRISTO

Yohane 10:9

Mba nde ne jombe. Yetena moto ingedi tongwea na mba, a mende jongisabe, a mende jingea na busa, a so wum'a bededi.

Yohane 14:6

Na Yesu alabe mo na: Mba nde ne ngea na mbale na longe; to moto a si mapo na Tete esibe tongwea na mba.

Bonaheber 5:9

Nde a timbisabeno na kengenge, na mo a timba muwaneye bese bena ba masengane mo jongise la bwindea.

Bebolo 4:12

Jongise di titi na nupepe, to dina dipepe di titi owas'a mon, lena di bolabe bato, lena onol'ao nde di mongisabeno.

Bonaheber 7:25

Onola nika a mawepe pe sunga o nai ni londi mbom ba bena ba masiseye bebe na Loba tongwea na mo; kana eno longe bebe bese a masosomeye onol'abu.

Yohane 8:24

Nika nde na kwalanno binona: Lo mende wo o myobe manu; ebanja lo si dube te na mba nu, ke lo mende wo o myobe manu.

JONGISE BUKATE NA YESU KRISTO

Kolose 1:12-14

O bola Tete masoma na muñenge, nu boli biso ná di dongamene o kusa dongo o sango la basangedi o mwenen, nu sungi biso o ngiñ'a mwititi, a timbise biso o janea la Mun'ao ña ndolo, ñena oñol'ao nde di kotoben, di kusino lakise la myobe.

Lukas 19:10

Ebanja Mun'a moto a poi o pulise na jongise di di pimbedi.

I Korinto 1:30

Oñol'ao nde biño leno o Kristo Yesu, nu timbi biso dibie di mawe na Loba na teme la sim na sangisabe na jongise.

Bebisedi 5:9

Ba ta ba longo mwenge ma peña, bā na: Wa o dongamen nongo kalati na tele bebatan bao; ebanja o bwabe, o kotedi Loba bato na maya mongo o mbia mese na leme lese na matumba mese na bekombo bese.

Tito 2:14

Ñena nu boli momene oñol'asu, ná a kote biso o myobe myese, na sangiseye pe momene lao tumba lena le ngiña o bebolo ba bwam.

SANGISABE TONGWEA NA MAYA MA KRISTO

I Yohane 1:7

Nde yetena di madangwa o mwenen, kana mo eno o mwenen, ke di mabene jalatane mo na nune, nde maya ma Mun'ao Yesu ma masangise biso na joa myobe myese.

I Petro 1:18, 19

Kana lo bino na seto na mambo ma maname, ka silba to gol nde lo sungabeno o bedangwedi banu b'ewolo, bena lo sangono na batete, nde na maya ma tiki ma Kristo, mun'a mudongi nu si ben elem to dipen.

Bonaheber 9:12b na 14

...Seto na maya ma tut'a mbodi na bana ba naka, nde na maya mao momene, a bolidikoti la bebe bese...Ke neni maya ma Kristo nena tongwea na Mudī ma bwindea a boli Loba nol'ao ka jabeadi si ben dipen ma si mendeno sangise doi lanu la mulema na sumwa bebolo ba kwedi o bolea Loba la longe e?

Roma 5:9

Kana di tesebena so na sim o maya mao, di mende benga jongisabe na mo o malinga.

Efeso 1:7

Oñol'ao nde di kotobeno na maya mao, di kusi lakise la myobe kaponda m'bwan ma nded'ao.

JONGISE TONGWEA NA DUBE LA YESU KRISTO

Yohane 6:28, 29

Na babo ba kwalane mo na: Nje jangamenno bola ná di bole bebolo ba Loba e? Na Yesu alabe, a kwalane babo na: Ebol'a Loba ye nde ná lo dube nu a lomno.

Yohane 20:31

Nde ben nde be tilabe ná lo dube ná Yesu e nde Kristo, Mun'a Loba, ná oñola dube lo bene longe o dina lao.

Efeso 2:8, 9

Ebanja biño longisabe nde oñola ndedi tongwea na dube; nika e si wu na biño, ne nde jabea la Loba, seto oñola bebolo, ná moto a si yabe a sese.

Roma 5:1

Kana di tesebeno so na sim oñola dube, di be musango na Loba oñola Sango asu Yesu Kristo.

Galatia 5:6

Ebanja o Kristo Yesu bwendi to ka ni titi bwendi ba si matongwele to lambo, nde dube di mabole o ndolo.

I Yohane 5:4

Ebanja to nje e yabe na Loba e mabuka wase; nde bebukedi bena be buki wase be nde dube lasu.

NDED'A LOBA

Tito 3:5

Ongise biso, seto oñola bebolo ba teme la sim bena di bolino, nde kaponda nded'ao tongwea na jokele la yabe la peña na timbise la peña di mawe na Mudī-musangi.

Mika 7:18

Njika Loba le ka wa, di malakise mawuse na tombise bebula ba epetel'a sango lao e? A si majene malinga mao pokopoko, a tondi leele ndedi.

Myenge 103:11

Ebanja kana moñ ñasamno etum na wase, nika nde nded'ao pe e kolono oñola ba ba mabwe mo bongo.

Myenge 103:17

Nde nded'a Yehova e tingam bebe bese omoñ a ba ba mabwe mo bongo, teme lao la sim pe na miladi mese.

Madoi Ma Mbembe 3: 22, 23

Oñola bwam ba Yehova nde di si bumbino, ebanja nded'ao e si mabo, ñe nde peña idiba te, mbal'ao e si ben su.

Myenge 108: 5

Ebanja nded'ango ñasam natena o moñ a moñ yese, mbal'ango pe natena o mawindiwindi.

LOBA A MA BELE BISO O PO NA MO

Yesaya 55:1

Boye, biño bese lo mabwe ñongi, ya o tongo a madiba, biño lo si ben moni pe, ya, lande mba-si, lo de! Yajanda mao na mañongo esibe moni, esibe sawa to lambo!

Yesaya 1:18

Ya, di ka! e kwali Yehova. To myobe mañu mi be nde na beletete ka maya, mi mende sanga ka mbom; to myola nde na koñkoñ ka itedi, mi mende timba na weletete ka pembe.

Lukas 14:17

Nde o pond'a ndema na mo a loma mut'ao o kwalane ba ba leabe na: Biño ya, ebanja mese ma mabole boñsane.

Mateo 11:28

Ya na mba, biño bese ba woli na ba bambe myuna mi dili, nde na mabola biño wumse.

Bebisedi 22:17

Mudĩ n'ewande ba makwala na: Ya! Nu pe nu masenge a kwale na: Ya! Nu nu mabwe ñongi a ye; nu nu ben mpuli a kuse madiba ma longe na wonja.

Yohane 7:37

Nde o buña bosukan, buña bwasam ba buña bondene, Yesu a ta a teme, a topo na doi la mona: Moto a mabwa te ñongi, a ye na mba, a ño.

BESE BA TITI BANA BA LOBA

I Yohane 3:10

Nika nde bana ba Loba na bana ba Satan ba membabeno. To nja nu si mabole teme la sim a si wu na Loba, nikamene pe na nu nu si tondi munasango.

Roma 8:14, 15

Oñolana bese ba madiabele na Mudĩ ma Loba be nde bana ba Loba. Ebanja lo si kusi mudĩ ma mukom o bwa pete bonggo, nde lo kusi nde mudĩ ma muna mwena oñol'ao nde di makwalano na: Aba, Tete.

Filipi 2:15

Ná lo be ka ni si ben misan na ni si ben njom, bana ba Loba bena ba si bendiwuse oteten a ño-ñon a mpenga na ni tabilan, ñena oteten ao nde lo mapañano ka mwenen o mundi ma wase.

Yohane 1:12

Nde ba bena ba kasi mo, bena ba dube dina lao, a boli babo ba bene bwam timba bana ba Loba.

II Korinto 6: 17, 18

Oñola nika biño busa oteten abu, tindame na babo, e kwali Sango, lo si tapa lambo di si sangi, nde na mende kasa biño, na mende be biño sango, biño pe lo mende be mba bana ba bome na ba bito, e kwali Sango ñangum.

NJE LOBA A MA KWALANO TENGENE BELAM BA NGAÑA

Minia 23:31, 32

O s'ombwa mao neni ma masanganö bwam, ma mapañano o tombedi, mondo pe mbeñe! O sukan ma malabane ka ñamabwaba, ma kukwane pe ka pe.

Roma 13:13, 14

Di dangwe ka ni tengen kana o mwese, seto o mudesi na soki, seto o mbamba na mambo ma titi konji, seto o mitango n'ekon, nde boto Sango Yesu Kristo, lo si bolea eyebo o jumwele bepuledi ba bobe.

Yesaya 5: 11

Mbeu a ñolo na ba ba mapomane teme o mbatimbat'a idiba o wala ño beñon be masokisane, nde ba bambame na mo natena ebiamu na swat, o kwangwele mañolo na mao.

Galatia 5:19-21

Nde e bian ná bebolo b'eyobo be nde: Ka ni titi konji, mbindo, mbamba, jowe la losango, bolane la myanga, bosinga, mitango, kodi, malinga, kwandane, jabane, pandisane, ekon, soki, mudesi na nika mambo; na malangwea biño ngedi po kana na maseleño langwea biño na ba ba mabole nika mambo ba si mende sangwa janea la Loba.

MBALE E SI DONGAMEN

Minia 16:25

Mangea mō ma menene na sim, nde su lao di be nde kwedi.

Mateo 22:37, 38

Na Yesu a kwalane mo na: Tondo Sango, Loba longo, na mulema mogo mwese na mudī mogo mwese na jongele longo lese. Ben nde be byanedi baboso na be kolo buka bese.

Marko 10:17-22

Nde a busino o ngea, na moto mō a po, a numa mabongo oboso bao, uele mo na: A mulēd'a bwam, nje nangamenno bola, nde na kusa longela bwindea e? Na Yesu a kwalane mo na: Nje o mabeleno mba ná nabwam e? To mō a titi bwam buka te Loba momene. O bi mbenda na: O si wite musonje, o si bwa, o s'iba, o si teme mboñ a lobango, o si dumba, dube songo na ñongo. Na mo a kwalane mo na: A mulēdi, na nenge man mese natena mūt'am. Na Yesu ombwa mo na sī, a tondo mo, a kwalane mo na: Lambodiwo di dia di mapulawa; ala, wandise mese o benno, o bole mo batuedi, nde o mende bene diwuta o moñ; nde o ye o bupe mba. Na bosobao bo tukwa oñola y'eyala, ala na ndutu; ebanja a ta a bene bema jita.

LO SI WONDŌ BIŊŌMENE

Yakobo 1:22

Biŋŋ be nde baboleye eyala, seto basengedi momene, e si ya be lo wondŋ biŋŋomene.

I Korinto 6: 9, 10

Lo si bi nā basitem na sim ba si mende sangwa janea la Loba e? Lo si wondobe! Bato ba titi konji, to baboleye losango, to bamusonje, to bambamba, to babole bobe na bome, to bībedi, to baikoki, to basokedi, to bacŋ dipama, to bandumban ba si mende sangwa janea la Loba.

Efeso 5:6

To moto a si wondŋ biŋŋ na bewolo ba byala; ebanja oŋola nika nde malinga ma Loba ma mapoyeŋ bana ba pamo.

I Yohane 3:7, 8a

A bana, to moto a si dimbele biŋŋ ngea. Nu nu mabole teme la sim a tem na sim, kana mo pe a temno na sim. Nu nu mabole bobe a wu nde na Satan; ebanja Satan a mabola bobe natena o bebotedi.

Galatia 6: 3

Nde yetena mŋ a mongele nā e lambo, nde a si be to lambo, ke a mawondŋ nde momene.

Galatia 6:7

Lo si wondobe, Loba a si mayoyobe; ebanja nje moto a masano, mo pe nde a mumbwano.

BOBE BO MALANE O KWEDI

Roma 5:12

Oñola nika kana bobe bo p̄oin̄o nde o wase o-ñola moto m̄ō, kwedi pe oñola bobe, nika nde kwedi e tombedin̄o na bato b̄ese, oñolana b̄ese ba boli bobe.

Yakobo 1:15

Nde bepuledi be n̄ongi t̄e dem̄e, na m̄o be ya bobe; nde bobe bunḡi t̄e, na m̄o bo ya kwedi.

Roma 8:6

Ebanja j̄ongēle l'eyobo di malena nde kwedi, nde j̄ongēle la mud̄i lonḡe na musango.

Hesekiel 18:20

Mud̄i mu mabolē bobe, m̄o nde mu mawo. Bobe ba sango bo si mabē omoñ̄ a muna, to bobe ba muna pe bo si mabē omoñ̄ a sango. Temē la sim di mabē nde nutem̄ na sim o mulopo, bobe pe bo mabē nde ñabobe o mulopo.

Lukas 15:32

Nde e ta e pula n̄a di bwe muñengē na be mutam; ebanja nun munañongō a ta a wo, nde a timbi be lonḡe, a ta a pimbea, nde a diabe.

Minia 11:19

Mupulē temē la sim a mabē lonḡe, nde mubupe bobe ombusa a mala nde o kwedi.

KRISTO A BUKI KWEDI

Yohane 11:43, 44

A topino nika, na mō a bele na doi la moñ na: A Lasaro, busa! Na mudimo a busa na myende na mā bena ba kakabe na mabato, na boso bo kakabe na wangisi. Na Yesu a kwalane babo na: Wunja mō, esele mō ale!

Yohane 10:17, 18

Oñola nika nde Tete a tondino mba, ebanja na mabola longe lam, ná na manongo pete mō. To moto a si manongone mba mō, mbamene nde na mabole mō. Na ben ngiña o bola mō, na ben pe ngiña o nongo mō. Ben byanedi nde na kusanno Tete.

Bebĩsedi 1:18

Na Nalonge; na ta na wo, nde ombwa, ne longe o bwindea na bwindea, naledi pe lodubwan la kwedi na la mudi ma kwedi.

Lukas 7: 14, 15

Na mo a sisea bebe, a tapa elimbi, na babambedi ba teme. Na mō a kwala na: A mpesa, na makwalane wana: Teme! Na nu nu ta nu wo a ja, a kumwa topo.

Bonaheber 2: 14b

Ná tongwea na kwedi a bole nu ñena nu ben ngiñ' a kwedi diboma, nika ñe nde ná Satan.

MBEND'A LOBA

Ndimbisedi 5:7-21

O si bene loba dipepe buka te mbamene mō.

O si pongea wamene njimbidi to bowam banje ye o moñ to ye o wase to ye oteten a madiba ma wase; o si numa mabongo wase oboso bao to bolea mo...

O si tuba dina la Yehova, Loba longo, n'ewolo; ebanja Yehova a si mesele nu nu matube dina lao n'ewolo esibe kokise.

Ongele buña ba wumse, o nenge mo bosangi, kana Yehova, Loba longo, anedino wa. Bola ebolo miña mutoba, o domse mambo mongo mese; nde buña bo londe samba bwe nde buña ba wumse ba Yehova, Loba longo.

Dube songo na ñongo, kana Yehova, Loba longo, anedino wa, ná miña mogo mi be bwaba, o be pe mutam o mundi Yehova, Loba longo, a bolino wa.

O si bwa.

O si wite musonje.

O s'iba.

O si teme mboñ a lobango lingise munasongo.

O si konone munj'a munasongo, o si konone ndabo a munasongo to mōnda mao, muboled'ao ña mome to ña muto, ñak'ao esel ao, to mese munasongo a benno.

LO TITI NA LO WUTAME O BOSO BWA LOBA

Hiob 34:21, 22

Ebanja miso ma Loba ma telam oñola mangea ma moto, a mañungumeye matanga mao mese. Dingombi di titi, to mwititi ma kwedi, wuma babole bobe ba mawutameno.

Yeremia 23:24

Nga moto a dongamen de ñolo o diwuta, esibe ná nen mo e, e kwali Yehova? Seto mba nde na londi o moñ na o wase e, e kwali Yehova?

Bebolo 17:27

Ná ba pulise Loba, nga be ná ba boba, ba so mo, tona a titino etum na to mo ñasu.

Minia 15:3

Miso ma Yehova me wuma yese, ma mombwa babobe na babwam.

Lukas 8:17

Ebanja to lambodi si wutam, lenadi si mende biane; to lambo pe di titi esoka, lenadi si mende po o mpoma na biane.

Myenge 139: 8 na 12

Yetena nabo o moñ, wa we oten; yetena nalo nanga o mundi ma bawedi, wa we oten... oñol'ango mwititi mu titi mwititi, bulu pe bo mapaña nde ka mwese, mwititi mwe nde ka mwenen.

BEKOKISEDI BA BWINDEA BA BATO BA BOBE

II Petro 3:7

Nde moñ na was'a tatan ba nengebe oñola wea tongwea na mulemlem m'eyala, ba nengebe oñola buña ba muka na ba dibumbe la bato ba bobo.

Myenge 9:18

Babobe ba mala nde o mundi ma bedimo, matumba mese mena ma bangisan Loba.

Mateo 18:8

Dia longo to mwende mogo ba lambi te wa, ke mo, o pimbe mo wone; e dolon wa jingea o longe eboki to m'boko buka o pimbabe na mā maba to myende miba o we'a bwindea.

Mateo 13:41, 42

Mun'a moto a mende loma angel ao, nde i mende dubwa malambi mese o janea lao mwemba na bese bena ba mabole bobo, i pimba babo o diyo la wea; oten nde mbembe na da la masonga ba mendeno be.

Mateo 25:46

Ban ba mende wala o kokise la bwindea, batem na sim pe o longe la bwindea.

Marko 3:29

Nde nu nu matope dibena lingise Mudī-musangi a si makusa lakise natena o bwindea, nde a ben njom a bobo ña bwindea.

BEKAISEDI BĀ PŌ

Bonaheber 9:27

Kana e tēsebelēno bato o wō ngedi pō, denge muka mu mapō.

Bebolo 17:31

Kana a tēsēno buña bwena a mēndēno kaise mudi ma wase na tēmē la sim tongwea na moto mō űna a posino, a bolino pē bēsē mboñ ni bam oñol'ao, kana a pumbwelēno mō o kwedi.

Roma 14:12

Mō űnasu tē a mēndē sō bola bolangi oñol'ao momēne oboso ba Loba.

I Yohane 4:17

Nde ndolo e londi nde biso mbom oteten ninka nā, kana mō eno, nika nde biso pē jeno o nin wase, nā di bē mbaki o buña ba muka.

II Korinto 5:10

Ebanja biso bēsē di mēndē wanabē oboso ba kond'a bekaisedi űna Kristo, nā moto tē a kuse kaponda a bolino kē a dia o űnolō, tō e bē bwam tō bobe.

II Petro 2:9

Kē ye nde oñolana Sango a bi sunga badubē Loba o makekisan, na nenge pē basitem na sim oñola kokisē natena o buña ba muka.

NDED'A YESU KRISTO

Roma 5:15

Nde e titi na jabea la ndedi kana yeno na ko la bobē; ebanja yetena oñola bobē ba moto mō jita ba wedi, ke nded'a Loba na jabea la ndedi di mawe na moto mō, Yesu Kristo, ba mabenga po njoasoa omōñ a jita.

II Korinto 9:15

Masoma ma be na Loba oñola jabea lao di si mawele langwabe.

I Petro 5:5b

...ebanja Loba a matengene bakumba, nde a malele ba ba sibise ñolo ndedi.

II Korinto 8:9

Ebanja lo bi nded'a Sango asu Yesu Kristo, ñena nu timbi tue oñol'añu, tona a tano m'bwan, na oñola tue lao biño lo ko m'bwan.

Bebolo 4:33

Nde bamuloloma ba ta ba bola mboñ oñola bepumbwedi ba Sango Yesu na ngiña ñese; babo bese ba ta ba kusa ndedi njoasoa.

Roma 9:16

E titi so oñola pula to musunga ma moto, nde oñola nded'a Loba.

II Korinto 12:9a

Na mo a kwalane mba na: Nded'am e dongamen wa; ebanja o bobo nde ngiña e mapemano.

JATELE

Hesekiel 18:31

Potise mawuse mañu mese lo bolino etum na biño; wekea biñomene milema ma peña na midí ma peña! Oñola nje lo tondino wo, a ndabo a Israel e?

Mateo 3:2

A kwala na: Biño atele, ebanja janea la moñ jā bebe!

II Korinto 7:10

Ebanja ndutukaponda jemea la Loba e maweka nde jatele di mawane jongise lena moto a si mombweno; nde ndut'a mundi ma wase e malena nde kwedi.

Bebolo 3:19, 20a

Biño atele so, lo tukwe, ná myobe mañu mi dimsabe; ná pond'a timba la peña e we omboa Sango...

Bebolo 17:30

Loba a tombise pond'a mbangisan; nde tatan a mabele bato bese wuma yese ná batele.

Lukas 13:2, 3

Na Yesu alabe, a kwalane babo na: Lo mongele ná ba bato ba Galilea ba ta bato ba bobbe buka bato ba Galilea bese, oñolana ba kusi nika e? Na makwalane biño ná kem; nde yetena lo s'atele, ke biño bese pe lo mende nde wo nikamene.

LAKISE LA MYOBE

Marko 2:5

Nde Yesu enno jemea labu, na mo a kwalane nu mot'anjembele na: A muna, myobe mongo mi lakisabe.

Yesaya 55: 7

Nabobe esele nge'ao, napamo pe mongele mao; a timbe na Yehova, nde a mende bwea mo ndedi, a ye na Loba lasu; ebanja a malakise jita.

Bebolo 5: 31

Mo nde Loba aseno na dia la mom o be mwanedi na musungedi, o bola na Israel natele, e kuse lakise la myobe.

Bebisedi 3:20

Ombwa, na tem o jombe, na mumba; yetena moto a sengi doi lam, nde a tele jombe, na mende jingea ombo'ao, na mende da na mo, mo pe na mba.

Mateo 6:14

Ebanja biño lo malakise te bato mawuse mabu, ke Sango ańu ne o mon pe a mende lakise biño.

Hesekiel 18:21

Nde yetena nabobe esele myobe mao myese a bolino, a nenge myeka mam myese, a bola nje e tengen na ye bwam, ke a mabe longe, a si mawo.

JABANE NA WASE

Yesaya 1:16

Oe, sangise biñomene! Sumwa beboledi bañu ba mpenga o miso mam, lo si bola pe bobe!

I Yohane 2:15, 16

Lo si tondo mundi ma wase to nje ye o mundi ma wase. Moto a tondi te mundi ma wase, ke ndol'a Tete e titi oteten ao; ebanja nje yese ye o mundi ma wase, bepuledi b'eyobo, bepuledi ba miso na kumb'a longe, e si wu na Tete, e wu nde na mundi ma wase.

Efeso 5:11

Lo si bene jalatane na bebolo ba mwititi, bena be si matombwane, nde sambwele nde mo.

Mateo 16:26

Ebanja njika museñ moto a benno, yetena a kusi wase nese, nde a bolone mudī mao e? To, nje moto eno ná a bola ka dikoti oñola mudī mao e?

Kolose 3:2

Tese mongele mañu o mambo me o moñ, seto o mambo me o wase.

Tito 2:11, 12

Ebanja nded'a Loba ni mongise bato bese e bī-sabe; e malee biso ná di tobe dibangi la Loba na bepuledi ba nin wase, nde di dangwane yene, teme la sim na dube la Loba o nin wase.

YABE LA PEÑA

Hesekiel 36:26

Na mabola biño mulema ma peña, na wele mudī ma peña oteten ańu. Na masumwane biño mulema ma dale oteten, na mabola biño mulema m'eyobo.

Yohane 3:3

Na Yesu alabe, a kwalane mo na: Iwiye, iwiye, na malangwea wa, yetena moto a si yabe pete peña, a titi ná ene janea la Loba.

I Yohane 5: 18

Di bi ná moto na moto nu yabe na Loba a si mabola bobo, nde nu nu yabe na Loba a matingame na mo, nabobe a si matapa mo.

II Korinto 5: 17

Ońola nika moto e te o Kristo, ke e nde eweked'a peña. Mambo ma kwan ma matomba, ombwa, mese ma matimba peña.

I Petro 1: 23

Kana lo yabeno peña, seto o mbolako ni mańame, nde o mbolako ni si mańame, ońol'eyal'a Loba ya longo, yena e matingame.

I Yohane 2:29

Yetena lo bi ná mo a tem na sim, biño bia ná moto te nu mabole teme la sim a yabe nde na mo.

KWEDI O BOBE-LONGE O KRISTO

Efeso 2:1 na 6

Biño pe lo ta lo wo o mawuse na myobe... a pumbwele pe biso mwemba na mo, a jese biso mwemba na mo o moñ o Kristo Yesu.

Kolose 3:1

Lo pumbwabele so te mwemba na Kristo, pulise mambo me o moñ, wuma Kristo a jaino o dia la mom la Loba.

I Petro 2:24

Mo nena momene a bambe myobe masu o no-l'ao omoñ ebongo, na di dome dinde na bobe, di be longe oñola teme la sim; oñola bebango bao nde lo bolisabeno.

Galatia 5:24

Nde ba bena be ba Kristo Yesu ba bomele eyobo o mbasa mwemba na bepuledi bao na nong'ao na bobe.

Roma 6: 5

Ebanja di lati te na mo o kwedi ne bowan ka nao, ke di mende pe lata na mo o bepumbwedi bao.

Roma 6:2 na 11

Biso benadi wedi, di doma dinde na bobe, neni di mabeno pe longe oten e? . . . Oñola nika biño pe langa biñomene ka ba wedi, ba dom dinde na bobe, nde ba be longe oñola Loba o Kristo Yesu.

LONGE LA BWINDEA

Yohane 3:14, 15

Kana Mose ondeleno namabwaba o eyan, nika nde Mun'a moto pe a mendeno jondabele, na to nja nu dube mo a mabene longe la bwindea.

Roma 6:23

Ebanja musawedi ma bobo mwe nde kwedi; nde jabea la ndedi la Loba le nde longe la bwindea o Kristo Yesu, Sango asu.

Yohane 17:3

Nde longe la bwindea le nde na ba bie wa, Loba la mbale mo mene, na nu o lomno, Yesu Kristo.

Yohane 3: 36

Nu nu madube Muna a ben longe la bwindea. Nu nu si masengane Muna a si mende jene longe, nde malinga ma Loba ma maja omone ao.

Galatia 6:8

Nu nu mase o eyobo a mumbwa nde dibumbe onol'eyobo; nde nu nu mase o mudia mumbwa nde longe la bwindea onola mudia.

Yohane 5:24

Iwiye, iwiye, na malangwea bino na: To nja nu masenge eyal'am, nde a dube pe nu nu lom mba, a mabene longe la bwindea, a si mapo o muka, nde a mabusa o kwedi, a o longe.

MBAK'A JONGISE

Roma 8:16

Mudī mōmēne mu mabola mudī masu mboñ ná je nde bana ba Loba.

I Yohane 3:18, 19

A bana, di si tōndō na byala tō na bepopo, nde na bebolo na mbale. Nika nde di mabiano ná je nde ba mbale, di masibisenō pe mulema, ke je oboso bao.

I Yohane 4: 13

Nde di bi ná di maja na mō, mō pe na bisō, oñola Mudī a boling bisō.

Galatia 4:6

Nde kana biñō lenō bana, Loba a lom Mudī ma Mun'ao o milema masu mwena mu makwale na: Aba, Tete.

Yesaya 32: 17

Epum'a tēm e la sim e mabe nde musango, tēm la sim di maya nde wumse na mbaki be-be bese.

Yohane 14:21

Nu ñaledi mbend'am, a nenge pe mō, mō nde e nu nutōndi mba. Nu nu tōndi mba a mēnde tōndobe na Tete, mba pe na mēnde tōndō mō, na mēnde bīse mō mbamene.

KRISTO NU JAI O MULEMA, A MA BOLA MUÑENGE

Yohane 17:13

Nde tatan na maya ombo'ango, na makwala nde man mambo o wase, ná ba bene muñenge mam mu londi oteten abu.

Galatia 2:20

Ne longe, nde e titi pe mba, nde Kristo nde e longe oteten am. Din longe nenõ tatan o eyobo, ne nde mõ oñola dubẽ na dubenõ Mun'a Loba ñena nu tondi mba, nu boli pe momene oñol'am.

Yesaya 12:3

Lo mende toa madiba na muñenge o tongo a jongise.

Yohane 15:11

Na kwalan biño nika, ná muñenge mam mu be na biño, ná muñenge mañu mu londe mbom.

Myenge 16:11

O malee mba nge'a longe; wa wukedi te, muñenge mu mabe njoaso, bonam pe o dia longo la mom bebe bese.

Filipi 4:7

Nde musango ma Loba mwena mu buki dibie lese mu mende kombe milema mañu na mongele mañu o Kristo Yesu.

Roma 14:17

Ebanja janea la Loba di titi da na ñõ, nde teme la sim na musango na muñenge o Mudĩ-musangi.

SENGANE LA DOI LA SANGO LE MUSEN

I Samuel 12: 15

Nde yetena lo si sengan doi la Yehova, lo pamwa pe byanedi bao, ke dia la Yehova di mende tengene biño, kana di tano di tengene basango bañu.

Roma 6:16

Lo si bi ná lo bake te biñomene ka bakom ba moto o sengane mo, lo mabe bakom ba nu ñena lo masenganeno, to e be nde bobo bwena bo malene kwedi, to sengane lena di malene teme la sim e?

II Tesalonika 1: 7-9

Nde biño bena lo matakisabe pe wumse mwe-mba na biso o ponda Sango Yesu a mabīsabeno wea la moñ mwemba na angel a ngiñ'ao oteten a misonji ma wea, o kokise ba bena ba si bi Loba na ba si madube myango ma bwam ma Sango asu Yesu, bena bekokisedi babu be nde dibumbe la bwindea, etum na bosu ba Sango na bosangi ba ngiñ'ao.

Ndimbisedi 11: 26-28a

Ombwa, na matese bonam na lou oboso bañu bon ba wenge: Bonam, yetena lo mende sengane byanedi ba Yehova, Loba lañu, na mateseyeno biño bon ba wenge; lou, yetena lo si mende sengane byanedi ba Yehova, Loba lañu.

PUSELE LA KRISTO LE MUSEN

I Yohane 2:23

To nja nu matobe Muna a si ben pe to Tete; nu nu mapusele Muna a ben pe na Tete.

Roma 10: 9, 10

Yetena o mapusele na mudumbu na Yesu e nde Sango, nde o dube pe o mulema mogo na Loba a pumbwele mo o kwedi, o mende jongisabe. Ebanja na mulema nde ba madubeno o bene teme la sim, na mudumbu pe nde ba mapuseleno o kusa jongise.

Lukas 9: 26

Ebanja nu nu mabwe ison onol'am na onola byala bam, Mun'a moto pe a mende bwa ison onol'ao, niponda a mendeno po na edub'ao na ya Tete na ya angel a bosangi.

Mateo 10: 32, 33

To nja nu mabole mbon onol'am oboso ba bato, mba pe na mende bola mbon onol'ao oboso ba Tete ne o mon. To nja pe nu matobe mba oboso ba bato, mba pe na mende tobo mo oboso ba Tete ne o mon.

Filipi 2:11

Na na byeme bese be pusele na Yesu Kristo nde e Sango onol'edub'a Loba Tete.

SATAN... MUSINGED' ASU NUNDENE

Mateo 4: 1 na 10, 11

Nde Yesu a ta a diabele na Mudī o eyañ o ke-kisabe na Satan... Na Yesu a kwalane mo na: A Satan, asumwe! ebanja e tilabe na: Owe Sango Loba longo, bolea pe nde momene mo. 'Wa nde Satan eseleno mo, nde ombwa, angel i ta i po, i kumwa bolea mo.

II Tesalonika 2:9

Bepoyedi ba nabobe be mabe nde kaponda ngum a Satan o ngina nese na byemban na betañsedi ba lobango.

Bebolo 26:18

O tele babo miso, na basumwe o mwititi, ba timbe o mwenen, basumwe o ngina'a Satan, ba timbe na Loba, na onola dube ba madubeno mba ba kuse lakise la myobe na sango oteten a ba bena ba sangisabe.

I Petro 5:8

Be yene n'epeñe! Musinged'añu Satan a mayenga ka ngila ni madome, o pulise nja a mamiñano.

Efeso 6:11

Boto bewesan ba Loba, na lo wele temene misomba ma Satan.

BEBUKEDI O MỌ́'A SATAN

Roma 8: 35 na 37

Nja e ná a pandise biso etum na ndol'a Kristo e? Ndenge, to matika, to mitakisan, to njai, to musamba, to ndutu, to kwed'a konjo e... Nde o man mese di mabukaka ni peti onola nu nu tondi biso.

Bebisedi 20:10a

Na Satan nu wondi babo a pimbabe o ebud'a wea na solfa.

II Tesalonika 2:8

To denge nabobe a mabisabe, nena Sango Yesu a mendeno bole diboma na wei a mudumbu mao na sinele pe mo na mwaye ma bepoyedi bao.

Yakobo 4:7, 8a

Sibise so binomene owas'a Loba. Eka Satan, nde a mana binomela. Sisea bebe na Loba, nde mo pe a masisea bebe na binomela.

Bonaheber 2:14

Kana bana ba benno so maya na nama, nikamene nde mo pe a kusino, na tongwea na kwedi a bole nu nena nu ben ngina kwedi diboma, nika ne nde na Satan.

I Yohane 3:8

Nu nu mabole bobo a wu nde na Satan; ebanja Satan a mabola bobo natena o bebotedi. Mun'a Loba a bisabe nde na namse bebolo ba Satan.

NDOLO: EDEMU A MOKWEDI

I Korinto 13:1

To na topo nde leme la bato na la angel, nde na si bene ndolo, ke ne nde k'ebene e mabole mumban, to ka muken mu matope.

I Yohane 3:14

Biso di bi na di matomba kwedi, ja o longe; ebanja di tondi bonasango. Nu nu si ben ndolo a jai nde o kwedi.

I Yohane 4:20

Moto a makwala te na: Na tondi Loba, nde a singe munasango, ke e nde nalobango. Ebanja nu nu si matonde munasango na a meneno, neni eno na a tondo Loba na a s'enno e?

Galatia 5:22, 23

Nde bepuma ba Mudi be nde: Ndolo, munenge, musango, welisane, muyao, bwam, jemea, pi, konji; mbenda e si matengene mo.

Yohane 13:35

Nika nde bese ba meneno jemba na le bokwedi bam, yetena lo ben ndolo mo na nune.

Yohane 21:16

Na mo-uele pete mo ngedi ni londe iba na: A Simon, mun'a Yona, o tondi mba e? Na mo a-labe na: E, a Sango, o bi na na tondi wa. Na mo a kwalane mo na: Tata midongi mam!

BEPUMBWEDI BA YESU KRISTO

Bebolo 10: 39-41

Nde biso je mboñ a mese a bolino o ekombo a Bonayuda na o Yerusalem; mo nde ba paneno o ebongo, ba bwa mo. Nde Loba a pumbwele mo o buña bo londe milalo, a bola ná enene, seto na bato bese, nde na biso bambon bena Loba a posino oboso ba ponda, biso bena di dedi, di ño pe na mo ombusa pumbwa lao o kwedi.

Roma 4:25

Ñena nu ta nu bakabe oñola myobe masu, na pumbwabele pe oñola tesebe lasu la sim.

Yohane 20: 26-28

Ombusa miña lombi bokwedi ba ta pete o ndabo, Tomas pe a ta na babo. Na Yesu a po, ke mombe ma kwesam, a teme oteten abu, mo na: Musango na biño! Na mo a kwalane Tomas na: Wana mune mongo won, ombwa mā mam; wana pe dia longo, o wele mo o mbanj'am, nde o si be pe nu si madube, nde nu madube. Na Tomas alabe mo na: A Sango am na Loba lam!

Marko 16:9

Nde niponda a pumbongo o mbat'a idiba ña buña baboso ba woki, a sele nde busea Maria ná Magdala ñena a tanõ a busise midī ma bobbe samba.

BEPUMBWEDI, DIPITA LASU DI LONDI

Roma 6: 3-5

Lo si bi ná biso bese bena di dubisabe o Kristo Yesu, di dubisabe nde o kwed'ao e? Oñola dubisabe lasu o kwed'ao di pulame so mwemba na mo, ná kana Kristo a pumbwabeleno o kwedi tongwea na bosangi ba Tete, biso pe di dangwe o longe la peña. Ebanja di lati te na mo o kwedi ñe bowan ka ñao, ke di mende pe lata na mo o bepumbwedi bao.

Mateo 16:21

Botea ni ponda nde Yesu a kumono lee bokwedi bao ná angamen wala o Yerusalem na kusane batudu na prisi indene na babiedi ba kalat'a Loba jita la ndenge na bwabe na pumbwa o buña bo londe milalo.

Yohane 5:25 na 28, 29

Iwiye, iwiye, na malangwea biño ná ponda e mende po, ñā pon tatan, ñena bawedi ba mendeno senga doi la Mun'a Loba; nde ba bena ba sengi mo ba mende be longe... Lo si ñaka oñola nika; ebanja ponda e mende po, ñena bese be o songo ba mendeno senga doi lao, nde ba mende busa; ba bena ba boli bwam o bepumbwedi ba longe, ba bena ba boli bobo o bepumbwedi ba muka.

BOSANGI NA TETE

Lukas 1: 74, 75

Ná di sungabe o dia la basingedi basu, di bo-
leye pe mo esibe bongo, o bosangi na teme la
sim oboso bao miña masu ma longe mese.

II Korinto 7: 1

A bandolo, kana di benno-so ninka makaki, di
sangise mbindo asu nese n'eyobo na na mudí,
londise bosangi mbom o bongo ba Loba.

II Timoteo 2: 21

Yetena moto a kombe momene bosangi etum
na yi mbindo, ke a mende be ew'a edube, e sa-
ngisabe, yena sango a mabolaneno, e boñsan
oñol'ebol'a bwam te.

I Petro 1:2

Bena ba posobe kaponda dibie la Loba Tete,
lena di masele bie mambo mese, ba sangisabe
na Mudí ná ba sengane Yesu Kristo, ba myasa-
bele pe maya mao. Ndedi na musango ba be na
biño njoasoa.

I Petro 1:15

Nde kana nu nu bele biño eno bosangi, biño pe
be bosangi o bedangwedi bañu bese.

Efeso 4:24

Lo bote mot'a peña nu wekabe kaponda Loba o
teme la sim na bosangi ba mbale.

BOSANGI NA TETE

Yesaya 35:8

Wum'a betombedi i mende be oten, ngea ni mabelabe ná nabosangi; nambindo to mo a si mende tongwea oten, ne nde onol'abu momene, ba ba mende dangwe oten, to belemā nde, ba si mende pimbea.

Bonaheber 13:12

Oñola nika nde Yesu pe a tano a taka ombusa jombe la mundi, ná a sangise tumba na maya mao.

I Yohane 1:9

Yetena di mapusele myobe masu, ke mo e mbale, a tem pe na sim, a malakise biso myobe, a masangise biso na joa bobe bwese.

Efeso 1:4

Oñol'ao nde a posino biso obiana wase e mabokabe o be bosangi na ka ni si ben misan obo-so bao.

Myenge 51:4

Oa mba na diwuse lam na weletete, sangise mba na bobe bam!

Mateo 3:11

Mba na madubise nde biño na madiba oñola jatele; nde nu nu mawe mba ombusa a buki mba ngiña, na si dongamen bambe betambi bao; mo nde a mende dubise biño na Mudī- musangi na wea.

BATO BA LONDI NA MUDI

Bebolo 13:52

Nde bokwedi ba ta ba londa na muñenge na Mudī-musangi.

Roma 8:9

Nde biño lo titi bato b'eyobo, nde ba mudī, yetena Mudī ma Loba mu jai oteten ańu na mbale. Nu nu si ben Mudī ma Kristo a titi űao.

Lukas 11:13

Ye so te nń biño benale bato ba bobo lo bi bola bana bańu mambo ma bwam, neni so Sango ańu űe o moń a si mendeno bola ba ba mapulane mo Mudī-musangi buka nika e?

Hesekiel 36:27

Na mawełe mudī mam oteten ańu, na mada-ngwełe biño o myeka mam, na mabola biño lo nenge na londise byanedi bam.

Bebolo 1:8a

Nde lo mende kusa ngiń' a Mudī-musangi mwena mu mende po omoń ańu, nde lo mende be mboń am...

Bebolo 4:31

Nde ba boleno kane, wuma yena ba tano ba kotone i ta i soa, na babo bese ba londa na Mudī-musangi, ba langwa eyal'a Loba na bokenju.

MPETE MWA MAKAKI OÑOL'A KRISTEN

Myenge 34: 19

Yehova a bakam na babenge milema mi ñosedī, a mongwane babenge mudī mu sibi.

Yesaya 66:2

Dia lam nde di weki man mese, nika nde ma timbinge be, ekwali Yehova. Moto na mombweano e nde nu nu ben mudī mu sibi na mulema mu ñosedī, na nu pe nu mabwe eyal'am bongō.

Bebīsedī 21:4

A mende tuta misodi mese o miso mabu; kwedi e si mende pe be, malebo to musea to sese ba si mende pe be; ebanja mambo maboso ma má-tomba.

I Petro 4:12, 13

A bandolo, lo si be mañaka oñola kekise la wea, lena di poi o kekise biño, biana mwēn a lambo nde a poyedi biño; nde bwa nde muñenge, kana lo benno dongo o ndeng'a Kristo, ná lo wele pe sombise na muñenge ponda bosangi bao bo mendeno bīsabe.

Myenge 37:3

Lakisane Yehova, o bole bwam; ja o ekombo, o dangweye o mbale.

Filipi 4:19

Loba lam a mende suele mutaka mañu mwese kaponda m'bwan mao n'edube o Kristo Yesu.

MAKAKI OÑOL'A BAKEKABĒ

Bonaheber 2:18

Ebanja kana momene a kekisabeno tongwea na nje a takino, e na a wele jongwane ba bena ba makekisabe.

Roma 16:20

Loba la musango a mende dakea Satan owas'a matanga mañu o son a ponda. Nded'a Sango asu Yesu Kristo e be na biño!

Myenge 34: 20

Ndut'a nutem na sim ye jita, nde Yehova a masunga mo o yese.

Yesaya 43:2

O makata te madiba, na mabe na wa, o meka-mene te myopi, mi si maloise wa. O matomba te o wea, i si madise wa, to misonji pe mi si moña wa o ñolo.

Roma 8:28

Nde di bi na mambo mese ma matemba nde bwam ba ba ba tondi Loba, ba bena ba belabe kaponda mwano mao.

I Korinto 10:13

Makekisan ma si kweledi biño, mena ma buki ngud'a moto; nde Loba e mbale; a si mende jesele na biño lo kekisabe buka ngud'a añu, nde makekisan ma poi te, a mende wekea biño nge'a busa oten, na lo wele lembe mo.

MAKAKI OÑOL'A BABUKEDI

Bebĩsedi 3:5

Nika nde nu nu mabuke a mendeño botisabe mboti i masange, na si mende dimse dina lao o kalat'a longe, nde na mende pusele dina lao oboso ba Tete na oboso ba angel ao.

Bebĩsedi 3:12

Nu nu mabuke na mende timbise mo diwondi o tempel a Loba lam, nde a si mende pe busa tom; na mende tila dina la Loba lam omoñ ao na dina la mundi ma Loba lam, Yerusalem ña peña, ñena ni mende we o moñ omboa Loba lam, na tila pe dina lam la peña omoñ ao.

Bebĩsedi 21:7

Nu nu buki a mende sangwa man, na mende be mo Loba, mo pe a mende be mba muna.

Bebĩsedi 2:7

Nu nu ben matoi a senge nje Mudĩ mu makwalaneno myemba: Nu nu mabuke na mende bola mo a da epum'a bwele ba longe bwena bwe o paradis a Loba.

Bebĩsedi 3:21

Nu nu mabuke na mende bola mo a ja mwemba na mba o bejedi bam, kana mba pe na bukinjo, na mba na ja mwemba na Tete o bejedi bao.

LOBA A MA LANGWEA BISO OÑOL'A BWA LA DIBA

Lukas 16:18

To nja nu mesele munj'ao, nde a ba nupepe, a wite nde musonje; nu pe nu maba nu nesabele na mom'ao a wite nde musonje.

Roma 7:2, 3

Ebanja muto nu babe, mbenda e kaki mo na mom'ao etum nu mome eno longe; nde mome a wedi te, ke nu muto e wonja na mbenda ni ta ni kaka mo na nu mome. Niponda mome eno longe, nde a lata na mome nupepe, ke a mabelabe na mut'a musonje; nde mome a wedi te, ke e wonja na mbenda, kañena a si mabe mut'a musonje, ke a babe na mome nupepe.

I Korinto 7:10, 11

Nde ba ba bai na manea babo, seto mba, nde Sango, na muto a s'abane na mom'ao. Aban te, a je mulambe, to a timbe dolisane mom'ao; mome pe a s'esele munj'ao.

Mateo 5:32

Nde mba na malangwea biño na: To nja nu mesele munj'ao esibe onola njom a musonje, ke a matimbise nde mo mut'a musonje; to nja pe nu maba nu nesabele a wite nde musonje.

TIMBA LA KRISTO

Mateo 24: 27

Ebanja kana motemote e mabusano o jedu, nde nenene naten' o mbenge, nikamene nde bepoyedi ba Mun'a moto be mendeno be.

Bebisedi 3:11

Na mende wamse po; tingame na nje o benno na to moto a si nongo ekot'ango.

Marko 8:38

Ebanja nu nu mabwe ison onol'am na onola byala bam o nin nonon a musonje na na bobbe, Mun'a moto pe a mende bwa ison onol'ao niponda a mendeno po na edub'a Sango ao mwemba na angel a bosangi.

Yakobo 5: 8

Biño pe welisane nde, embe milema mañu; e-banja bepoyedi ba Sango be bebe.

Mateo 24:30

Denge eyemban a Mun'a moto e mende jenene o mon, matumba ma wase mese ma mende jeya mbembe, ma mende jene Mun'a moto a mawa o mawindi ma mon na ngina nindene n'edube.

Yohane 14: 3

Nde nalo te, na bonsane-pe biño wuma, na mende timba, na nongo biño mwemba na mba, na wuma mba nenō biño pe lo be nde oten.

TIMBA LA KRISTO

Lukas 21:27

Denge ba mende jene Mun'a moto a mawa o diwindiwindi na ngina n'edube endene.

Lukas 12:40

Biño pe langameye so, ebanja Mun'a moto a mende po o ponda lo si mongeleno.

I Yohane 3:2

A bandolo, jā nde bana ba Loba, nde e si bedi bisabe neni di mendeno be. Nde di bi ná e bisabe te, di mende be bowan ka mo; ebanja di mende jene mo kana eno.

Bebisedi 16:15

Ombwa, na mende po ka mwibedi. Bonam na nu nu maje epeñe, nu boti pe mbot'ao, ná a si dangwa musamba, to jesele ison ao yenene.

Bebolo 1:11

Ba kwala na: A bato ba Galilea, nje lo temno, lo sokeno miso o moñ e? Nun Yesu nu nongobeje biño wala o moñ a mende pe timba nikamene, kana lenno mo a mala o moñ.

Mateo 16:27

Ebanja Mun'a moto a mende po na bosangi ba Sango ao mwemba na angel ao, nde a mende timbisele moto te kaponda bebolo bao.

II Petro 1:21

Ebanja eyal'edinge tō ewō e si wu na jemea la moto, nde bato ba ta nde ba tutabele na Mudī-musangi o topō o doi la Loba.

Myenge 119:105

Eyal'ango nde ye etrukañ a myende mam na mweneñ o nge'am.

Myenge 119:11

Na makombe eyal'ango o mulema mam, ná na si bola bobē lingise wa.

Mateo 22:29

Na Yesu alabe, a kwalane babō na: Biño lo wusi, oñolana lo si bi betiledi tō ngiñ'a Loba.

Lukas 21:33

Moñ na wase ba mende tomba; nde byala bam be si mende tomba.

II Timoteo 3:16

Ebanja betiledi beşe bena be wu na Mudī ma Loba be museñ oñola belēdi, oñola bola la misan, oñola jomele na o jokwele moto longē la teme la sim.

Efeso 6:17

Lo nongo mbidi ma jongise na pō a mudī nena ne nde eyal'a Loba.

Yin son´a kalati yena i kusabē o bwambo bwa Duala, frensi na igrisi nika mēnepe na myambo mipepe tongwea na ndola na bepuledi ba Tete Epongobe nde na.

Published in numerous languages by World Missionary Press, Inc., as God supplies funds in answer to prayer. **For questions or more information by country, visit: www.wmp-contacts.org**

NI TILABE NA WATSON GOODMAN

TETE – E SANGAMEN JANDISABE



World Missionary Press
PO Box 120
New Paris, IN 46553-0120 USA
www.wmpress.org

Read booklets online or by App
www.wmp-readonline.org